

## **Sektor za strategiju i politike integracija**

- (1) Sektor za strategiju i politike integracija obezbjeđuje i podržava učešće Direkcije u izradi nacrti i prijedloga politika, zakona, ostalih propisa i smjernica koje se odnose na uspješno ispunjavanje obaveza koje za Bosnu i Hercegovinu proizlaze iz procesa evropskih integracija; koordinira aktivnosti organa vlasti u Bosni i Hercegovini u vezi sa evropskim integracijama i nadzor nad provođenjem njihovih odluka; koordinira operativne kontakte Direkcije kao glavnog partnera nadležnih institucija EU u procesu evropskih integracija, te koordinira saradnju organa vlasti u Bosni i Hercegovini sa EK i ostalim stručnim tijelima EU.
  
- (2) U ostvarivanju utvrđene nadležnosti Sektor je odgovoran za:
  - a) koordinaciju pripreme i predlaganje planskih dokumenata potrebnih za evropske integracije Bosne i Hercegovine, uključujući i program integracija Bosne i Hercegovine u EU, te praćenje, ažuriranje i izvještavanje o realizaciji planskih dokumenata i programa integracija Bosne i Hercegovine;
  - b) praćenje politika i EU u kontekstu integrisanja Bosne i Hercegovine u EU;
  - c) praćenje procesa evropskih integracija u državama kandidatima i potencijalnim kandidatima i predlaganje najboljih iskustava i preuzimanja dobrih praksi za Bosnu i Hercegovinu;
  - d) praćenje realizacije kriterija za pristupanje u EU u oblastima koje se odnose na: pravosuđe i osnovna prava, pravdu, slobodu i sigurnost, vanjske odnose EU i vanjsku, sigurnosnu i odbrambenu politiku, poljoprivredu i ruralni razvoj, sigurnost hrane, veterinarsku i fitosanitarnu politiku, ribarstvo, transportnu politiku, energetiku, transevropske mreže, okoliš, regionalnu politiku i koordinaciju strukturnih instrumenata, slobodno kretanje radnika, slobodno kretanje kapitala, ekonomsku i monetarnu politiku, statistiku, finansijsku kontrolu, finansijske i budžetske odredbe, informaciono društvo i medije, socijalnu politiku i zapošljavanje, nauku i istraživanje i obrazovanje i kulturu, unutrašnje tržište i trgovinu, odnosno slobodno kretanje roba, oporezivanje, preduzetničku i industrijsku politiku, carinsku uniju, pravo poslovnog nastana i slobodu pružanja usluga, finansijske usluge, javne nabavke, pravo privrednih društava, pravo intelektualnog vlasništva, politiku konkurencije, zdravstvenu zaštitu i zaštitu potrošača.
  - e) koordinaciju predstavljanja Bosne i Hercegovine u procesu evropskih integracija kroz podršku pregovaračkom timu Bosne i Hercegovine i pružanje stručne pomoći institucijama u Bosni i Hercegovini, putem organiziranja sastanaka sa predstavnicima EK i zajedničkih tijela koja se uspostavljaju u ovom procesu;
  - f) obavljanje funkcije sekretarijata u pregovorima i sastancima sa predstavnicima EU u smislu pružanja tehničke i stručne podrške u radu predstavnika institucija Bosne i Hercegovine, koordinaciji i organizaciji njihovih aktivnosti, kao i zauzimanju i predstavljanju zvaničnih pozicija Bosne i Hercegovine;
  - g) funkcionalnu saradnju i operativne kontakte po pitanjima evropskih integracija u nadležnosti Sektora sa ministarstvima, upravnim organizacijama, vladama svih nivoa vlasti u Bosni i Hercegovini, kao i sa odgovarajućim parlamentarnim i drugim tijelima;
  - h) koordinaciju izrade, kao i pružanje stručne pomoći institucijama Bosne i Hercegovine pri izradi Priloga institucija u Bosni i Hercegovini za Godišnji izvještaj Evropske

komisije o Bosni i Hercegovini u procesu evropskih integracija, te nakon objavljivanja Godišnjeg izvještaja Evropske komisije o Bosni i Hercegovini, pripremanje i predlaganje analize napretka Bosne i Hercegovine u procesu evropskih integracija i njenih obaveza;

- i) praćenje i izvještavanje o napretku Bosne i Hercegovine u procesu evropskih integracija, te usklađivanje i koordinaciju aktivnosti institucija u Bosni i Hercegovini u toku priprema relevantnih izvještaja i ostalih dokumenata;
- j) praćenje i analiza politika i dokumenata EU od značaja za proces evropskih integracija Bosne i Hercegovine;
- k) izradu prijedloga politika zasnovanih na dobroj praksi i politikama EU.

(3) Sektor poslove iz nadležnosti obavlja u okviru unutrašnjih organizacionih jedinica:

**a) Odsjek za politički kriterij i koordinaciju procesa stabilizacije i pridruživanja**

- 1) koordinira predstavljanje Bosne i Hercegovine u procesu evropskih integracija kroz podršku pregovaračkom timu Bosne i Hercegovine i pruža stručnu pomoć institucijama u Bosni i Hercegovini, kao i posredstvom organiziranja sastanaka sa predstavnicima EK i zajedničkih tijela koja se uspostavljaju u ovom procesu;
- 2) obavlja funkciju sekretarijata u pregovorima i sastancima sa predstavnicima EU u smislu pružanja tehničke i stručne podrške u radu predstavnika institucija Bosne i Hercegovine, koordinaciji njihovih aktivnosti, organizaciji sastanaka, kao i zauzimanju i predstavljanju zvaničnih pozicija Bosne i Hercegovine;
- 3) koordinira funkcionalnu i operativnu saradnju sa ministarstvima, upravnim organizacijama i vladama svih nivoa vlasti u Bosni i Hercegovini po pitanjima iz nadležnosti Odsjeka;
- 4) pruža podršku Parlamentarnoj skupštini Bosne i Hercegovine u kontekstu evropskih integracija;
- 5) prati realizaciju političkog i administrativnog kriterija za članstvo, te obaveza iz kriterija za pristupanje u EU koje se odnose na pravosuđe i osnovna prava, pravdu, slobodu i sigurnost, vanjske odnose EU i vanjsku, sigurnosnu i odbrambenu politiku;
- 6) učestvuje u koordinaciji pripreme planskih dokumenata potrebnih za evropske integracije Bosne i Hercegovine, uključujući i program integracija Bosne i Hercegovine u EU.

**b) Odsjek za sektorske politike**

- 1) koordinira pružanje stručne pomoći institucijama u Bosni i Hercegovini pri izradi Priloga institucija Bosne i Hercegovine za Godišnji izvještaj Evropske komisije o Bosni i Hercegovini u procesu evropskih integracija, te nakon objavljivanja Godišnjeg izvještaja Evropske komisije o Bosni i Hercegovini, priprema i predlaže analize napretka Bosne i Hercegovine u procesu evropskih integracija i njenih obaveza;
- 2) prati i izvještava o napretku Bosne i Hercegovine u Procesu stabilizacije i pridruživanja te koordinira aktivnosti institucija u Bosni i Hercegovini na pripremi objedinjenog izvještaja;
- 3) prati realizaciju obaveza iz kriterija za pristupanje u EU koje se odnose na poljoprivredu i ruralni razvoj, sigurnost hrane, veterinarsku i fitosanitarnu politiku, ribarstvo,

transportnu politiku, energetiku, transevropske mreže, okoliš, regionalnu politiku i koordinaciju strukturnih instrumenata;

- 4) učestvuje u koordinaciji pripreme planskih dokumenata potrebnih za evropske integracije Bosne i Hercegovine, uključujući i program integracija Bosne i Hercegovine u EU.

**c) Odsjek za ekonomsku i socijalnu politiku**

- 1) koordinira saradnju u predlaganju, pripremanju i izradi strateških dokumenata, sa ciljem usklađivanja istih sa prioritetima koji proizilaze iz procesa evropskih integracija;
- 2) analizira politike u Bosni i Hercegovini i EU, koje su od značaja za daljnji napredak Bosne i Hercegovine u procesu evropskih integracija;
- 3) koordinira izradu i pripremu analitičkih i ostalih stručnih dokumenata u oblasti evropskih integracija;
- 4) prati realizaciju ekonomskih kriterija kao i obaveza iz kriterija za pristupanje u EU koje se odnose na slobodno kretanje radnika, slobodno kretanje kapitala, ekonomsku i monetarnu politiku, statistiku, finansijsku kontrolu, finansijske i budžetske odredbe, informaciono društvo i medije, socijalnu politiku i zapošljavanje, nauku i istraživanje i obrazovanje i kulturu;
- 5) učestvuje u koordinaciji pripreme planskih dokumenata potrebnih za evropske integracije Bosne i Hercegovine, uključujući i program integracija Bosne i Hercegovine u EU.

**d) Odsjek za trgovinu i unutrašnje tržište**

- 1) koordinira pripremu i predlaganje programa integracija Bosne i Hercegovine u EU, ažuriranja programa integracija, te prati i izvještava o realizaciji programa integracija;
  - 2) priprema i predlaže ostale strateške i planske dokumente na temelju utvrđenih prioriteta proisteklih iz procesa evropskih integracija, primarno u svjetlu razvojnih perspektiva Bosne i Hercegovine i obaveza koje proizilaze iz Sporazuma o stabilizaciji i pridruživanju (u daljem tekstu: SSP) kao i ostalih obaveza proisteklih iz procesa;
  - 3) prati i analizira rad institucija izvršne i zakonodavne vlasti u Bosni i Hercegovini u vezi sa procesom integracija u EU;
  - 4) prati realizaciju obaveza iz kriterija za pristupanje u EU koje se odnose na unutrašnje tržište i trgovinu, odnosno slobodno kretanje roba, oporezivanje, preduzetničku i industrijsku politiku, carinsku uniju, pravo poslovnog nastana i slobodu pružanja usluga, finansijske usluge, javne nabavke, pravo privrednih društava, pravo intelektualnog vlasništva, politiku konkurencije, zdravstvenu zaštitu i zaštitu potrošača.
- (4) Sektor saraduje i razmjenjuje podatke iz svoje nadležnosti s ostalim organizacionim jedinicama Direkcije.